

主中主動而又動賓中賓動中守定賓中主
靜中散亂主中賓

師曰乾有四德坤有幾德答曰坤亦有四德
師曰未盡善夫坤元亨利與乾同貞之一字
不同順承而後方貞故曰牝馬之貞也牝馬
柔順健行之謂也師曰屯有幾德答曰元亨
利貞與乾同其辭其德則不同也師曰何謂
不同吾思之未及對師曰若同德則非之難
也所謂元亨者元有大亨通之義也利貞者
利在正固也苟非正固則不足以免屯難矣
何亨之有若能固守元有之亨則能濟屯難
而已

師曰西南得朋東北喪朋何謂也吾思之未
及答師笑曰公未知之蓋陰類又得陰朋陰
類愈盛則愈迷亂矣故曰失常至東北之陽
位又喪其陰朋是以安貞吉也陰既從陽有
生成之理故曰得常修真之士情念一動是
陰也若縱意隨之是陰得朋也亦謂之失常
苟以剛志斷之念從何起念情絕則喪其朋
也亦謂之得常非天下之至明其孰能與於

此

師曰謙六爻皆吉何也答曰由其謙下之致
也師曰然諸爻皆言謙第五爻不言謙何也
蓋五為君不過於謙則不失其權也故有利
用侵伐無不利之說也所以修真之士須要
剛柔兼濟不可過於柔也師曰先天而天弗
違後天而奉天時何也答曰未生以前為先
天故無所違既生以後為後天故有所奉師
曰只當以先覺喻先天出乎自然後覺喻後
天出乎不得已出乎自然天理弗違出手不
得已我不敢違乎天故曰奉天時也

師曰喜怒哀樂未發謂之中發而皆中節謂
之和我試問公輩欲發未發作麼生會良久
應之師曰是已發也予默然師曰是未發也
再一答師許之曰留取自受用恐暗却後人
眼自悟者始得用也

清庵瑩蟾子語錄卷之一

清庵瑩蟾子語錄卷之二

畢六

門弟子定庵越道可編

遺德心要清庵投道德會元於道可
言外經目今將諸子奉傳諸法集成
為與同志之士相與問發以其心領
意會故曰心要

師曰這箇道字不屬有句不屬無句不屬有
象不屬無象諸人作麼會定庵曰咄嘿庵喝
師曰這箇德字不屬修不屬不修如何即是
嘿庵曰為無為定庵舉似師曰諸法卷離却
語言三昧把出已經來嘿庵書空識庵拳
師曰第一章末後句云玄之又玄眾妙之門
切謂三十六部尊經皆從此經出且道此經
從甚處出離却父母所生口道一句來嘿庵
作開經勢定庵喝

師曰第三章云有無相生且道不着有無一
句又作麼生若道得入地獄似箭道不得入
地獄似箭眾舉似皆未端的誠庵問口如何
即是師曰如是如是

師曰第三章結句云為無為則無不治既是
無為如何說箇為字在上若有為却如何說

箇無為在下定庵曰體用兼資唯庵曰即此用離此用

師曰第四章象帝之先一句以口說爛却舌根以眼視突出眼睛含光嘿嘿正好喫棒諸人作麼會李監齋舉似實庵打圓相

師曰第五章天地之間其猶橐籥乎師頌曰無底謂之橐三孔謂之籥中間一竅子無人摸得着為君吹出無聲樂且道如何是一竅嘿庵曰照頤鼻孔實庵曰咩且道如何是無聲樂師代云碧落空歌

師曰第六章玄牝之門師曰出息不涉萬緣入息不居陰界不入作麼會嘿庵曰寂然不動師自曰萬籟俱澄

師曰第七章非以其無私耶故能成其私是謂修行人只為自己屬私普度一切屬情不屬私情一句作麼道定庵曰先人後己

師曰第八章上善若水師曰放下這點子黃河幾度清且道這點子放在甚處定庵嘿庵一般舉似

向甚處去定庵曰虛空一喝無蹤跡嘿庵曰無處去師曰都未是或曰如何是師曰兩脚索脆藏北斗
師曰第十章載營魄師曰魄好馳騁好運動好剛勇以何法度治之有心治則屬情無心又治不得作麼治嘿庵彈指一下
師曰第十一章三十輻共一轂當其無有車之用且道輻不轉時車在甚處嘿庵曰轉轉定庵推車勢
師曰第十二章五色令人目盲師曰離色離相瞎却眼睛諸人作麼會嘿庵曰見如不見
師曰第十三章貴大患若身師曰有身則有患無身何以見道畢竟如何即是定庵曰放下着嘿庵曰養其無象
師曰第十四章視之不見師曰無縫罅諸人作麼會實庵曰渾如雞子師曰未是或曰師曰如何道師曰對面不相識
師曰第十五章微妙玄通深不可測師曰水將杖探人將語探道將甚處探定庵嘿庵皆舉拳師曰一狀領過

師曰第十六章致虛極守靜篤萬物並作吾以觀其復切謂復見天心且道天心在甚處又曰不可動動着三十棒定庵奪棒

師曰第十七章太上之有知師曰不屬有相不屬無相要見自己太上諸子無對師曰只今見在說法

師曰第十八章智慧出有大偽師曰聰明迷大本智慧喪天真諸人作麼會止庵曰無為損庵曰智不如愚

師曰第十九章絕聖棄智諸人作麼會定庵曰忘其所自

師曰第二十章絕學無憂師曰諸人喚甚麼做絕學嘿庵曰繫風捕影師曰學不學覆衆人之所過

師曰第二十一章師曰有物有象有情果有乎若謂有來且參學眼若謂無來去參學眼畢竟作麼道嘿庵曰有無俱不涉惟有一真實相損庵打圓相

師曰第二十二章曲則全枉則直師曰木不材者壽鴈不材者烹如何即是諸人皆不答

師曰材不材各順時

師曰第二十三章希言自然師曰嘿嘿無言

落第二機如何是第一機諸人答皆不中節

師曰開口不在舌上

師曰第二十四章跛者不立跨者不行諸人

作麼會定庵曰舉步不在脚跟上

師曰第二十五章有物混成師曰有箇甚物

定庵舉似又曰域中有四大還更有大底麼

嘿嘿唱

師曰第二十六章輕則失臣躁則失君師曰

不輕不躁又作麼生定庵曰道泰時清嘿嘿

曰成性存存

師曰第二十七章善行無轍迹諸人會麼嘿

庵曰大力量人握脚不起

師曰第二十八章師曰守黑守雌守辱是用

也無極太朴嬰兒是體也朴散為器諸人作

麼會定庵曰生生化化

師曰第二十九章將欲取天下為之者吾見

其不得已師曰子謂錯且過在甚處定庵曰

在為處

師曰第三十章以道佐人主者不以兵強天

下師曰設有寇至作麼敵嘿庵曰以德化之

師曰不若以慈衛之

師曰第三十一章佳兵不祥之器師曰不用

兵無以禦敵用兵則非道作麼是定庵曰逆

行順化

師曰第三十二章道常無為朴雖小天下不

敢臣師曰朴雖小一句作麼會定庵曰芥納

須彌嘿庵曰卑而不可踰

師曰第三十三章死而不亡者壽師曰不亡

底是甚麼嘿庵曰無中有密庵曰虛靈不昧

師曰第三十四章聖人不自大故能成其大

師曰如何是不自大嘿庵曰勃勃從珠口入

師曰上善若水

師曰第三十五章執大象師曰若云有象便

不大若云無象如何執嘿庵曰黍珠中世界

師曰似不肯故大

師曰第三十六章將欲歛之必固張之師曰

睫上眉毛早錯過且道錯向甚處去定庵曰

當處嘿庵曰鷄過新羅實庵曰不得亂走師

曰一狀領過

師曰第三十七章道常無為而無不為師曰

予頌云有作皆為幻無為又落空兩途俱不

涉請頌一句嘿庵曰對面不相逢止庵一定

守其中密庵曰自有大神通師曰當處關宗

風

師曰第三十八章上德不德是以有德師曰

喚甚麼做德嘿庵曰不自有其有師曰不自

矜

師曰第三十九章昔之得一者天得一以清

師曰且道得一安在甚處嘿庵曰安在無為

處師曰無用處更好

師曰第四十章末後一句云天下萬物生於

有有生於無師曰無有之外更有甚麼嘿庵

曰有這箇舉似

師曰第四十一章下士聞道大笑之師曰笑

箇甚麼嘿庵舉云笑這箇密庵曰笑箇無為

師曰第四十二章或損之而益或益之而損

師曰不損不益時如何嘿庵曰無欠無餘師

曰別渾淪

師曰第四十三章天下之至柔馳騁天下之

至剛師曰觸來勿與競事過心清涼如何是

清涼境嘿庵曰無執惱師曰無無明

師曰第四十四章名與身孰親財與貨孰多

川老云若能運出家中寶啼鳥山花一樣新

如何是家中寶嘿庵曰哩哩囉囉定庵喝師曰

一曰慈

師曰第四十五章師曰上章知足不辱知止

不殆謂常足也此章云大成若缺大盈若沖

不足也足底是不足底是損庵曰滿招

損謙受益師曰德有餘而為不足者壽財有

餘而為不足者壽故云

師曰第四十六章罪莫大於可欲師曰不見

可欲使心不亂急走回來教得一半且道那

一半如何定庵曰不離當處

師曰第四十七章末後句云不見而名無為

而成師曰名箇甚成箇甚定庵嘿庵曰曰成

德名道

師曰第四十八章為學日益為道日損師曰

益人甚損人甚定庵曰損己益人嘿庵曰損

情益性

師曰第四十九章

師曰第五十章生之徒十有三死之徒十有

三師曰涅槃心易曉差別智難明如何差別

智眾無答師曰仁者謂仁智者智師曰如何

涅槃心眾無答師曰前無往古後無只今

師曰第五十一章道生之德畜之師曰生箇

甚畜箇甚實庵曰生之畜之只是這箇師曰

較些子

師曰第五十二章天下有始以為天下母首

章云有名萬物之母名喚甚麼諸人答不中

誠庵問曰喚做甚麼名師喚誠庵誠庵應諾

師曰安名了也

師曰第五十三章使我介然有所知行於大

道惟施是畏師曰畏箇甚嘿庵曰畏天命

師曰第五十四章以國觀國師曰觀國非容

易觀身意更深海枯終見底人死不知心還

有知心底麼諸人答不應機誠庵問師還有

知心底麼師應之曰問者是誰

師曰第五十五章含德之厚比於赤子師曰

即孟子謂大人者不失赤子之心意且道赤

子之心是已發嘿庵曰純一定庵曰寂然不

動師曰未盡在殊不知返者道之用也

師曰第五十六章知者不言言者不知師曰

言底是不言是諸人答不切師曰父母所生

口終不為君通

師曰第五十七章以正治國以奇用兵以無

事取天下師曰取天下安得無事無事何以

取天下眾無對師曰導之以德

師曰第五十八章師曰末後一句光而不耀

作麼會眾無語師曰被揭懷玉

師曰第五十九章治人事天莫若嗇作麼會

止庵曰儉師曰從儉

師曰第六十章以道莅天下其鬼不神如何

說嘿庵曰無以施其能定庵曰邪不方正

師曰第六十一章大國者下流師曰等閑伸

出無為手不動干戈定太平喚甚麼做無為

手嘿庵曰掀翻三教誠庵曰打破虛空

師曰第六十二章有罪以免耶師曰過在甚

處定庵曰覓過了不可得師擲經云休疑

師曰第六十三章圖難於其易師曰說易非容易言難未是難箇中奇特處請續一句嘿庵云元只在中間實庵云元不離玄關師曰北斗面南看

師曰第六十四章其安易持師曰諸人作麼會嘿庵防微杜漸

師曰第六十五章古之善為道者非以明民將以愚之師曰一切有為法三十六百門從頭都勘破總是弄精魂惟予獨抱無名朴無限羣魔倒赤幡諸人會麼定庵曰認着一物即不中嘿庵擲經

師曰第六十六章江海所以能為百谷王者以其善下之師曰且道江海下百谷耶百谷下江海耶嘿庵曰衆散皆歸一定庵曰上遊下順師曰下下下

師曰第六十七章捨其慈且勇捨其儉且廣捨其後且先死矣師曰莫飲無明水且道喚作麼做無明水定庵曰陸地平沈嘿庵曰無風浪起

師曰第六十八章善為士者不武師曰不文

不武無得無失揆着鼻孔通身汗出且道父母未生前鼻孔在甚處定庵曰出息入息處嘿庵曰在闔闔處實庵曰只在眉毛下

師曰第六十九章用兵有言吾不敢為主而為客且道主客如何分諸人無答師曰你是何人我是誰又曰兩眼對兩眼

師曰第七十章吾道甚易知甚易行如何又知莫能知莫能行者向這裏下得一轉語參學事畢其或未定庵曰百姓日用而不知嘿庵曰只在目前人不識師曰只為大分

明
師曰第七十一章知不知上不知知病此病作麼治嘿庵曰寸心不昧其諸子皆不的當師曰吾將鎮之以無名之朴又曰不然則彈論吞箇鐵丸又曰下士須是喫服藥過瀉去惡知識矣

師曰第七十二章民不畏威則大威至如何是大威嘿庵曰生死事大師曰無常迅速

師曰第七十三章勇於敵則殺勇於不敢則活師曰如何是殺活機來無答師曰如王秉

劍

師曰第七十四章代大匠斲希有不傷其手者師曰作麼會定庵曰不是當行家

師曰第七十五章末後句云夫惟無以生為者是賢於貴生師曰諸人作麼會定庵曰以其無死地

師曰第七十六章民之生也柔弱其死也堅強作麼會定庵曰柔弱生之徒

師曰第七十七章天之道損有餘而補不足人之道損不足以奉有餘師曰且道不損不益時如何衆無對師曰也不剩兮也不少信手拈來便恰好

師曰第七十八章受國之不祥能為天下王師曰作麼會諸人無答師曰無忌諱

師曰第七十九章和大怨必有餘怨安可以為善如何說惟安曰克己為善定庵曰克己

復禮嘿庵曰慈忍為善師曰一狀領過或曰師作麼道師曰恩怨兩忘

師曰第八十章末後句云民至老死不相往來如何說嘿庵曰安其家定庵曰無爭師曰

內境不出外境不入

師曰第八十一章聖人之道為而不爭師曰作麼是不爭眾答不應機師曰放倒門刹竿着師又曰各人要一聯句體道德二字嘿庵曰道藏諸用德顯諸仁定庵曰道不在修德不在求唯庵曰道不無中無德不有中實庵曰道可道非道德上德不德師曰道寂然不動德感而遂通又云道清靜光明德謙柔異順師曰各人要一聯證無為道德二字眾無答師曰道聲奉德稽首師指燭云各人作聯要見此燭體用嘿庵曰體塞破虛空用照破黑暗實庵曰體圓陀陀用光燦燦師曰體如如不動用燦燦圓明又曰體撐天拄地用照天燦地師曰各人要無說一聯要見燭體用諸人無答師舉似眾有省

清庵瑩蟾子語錄卷之二

清庵瑩蟾子語錄卷之三

知堂寶庵 苗善時編

早七

初入中和精舍庵門銀山鐵壁由誰建立透得此關了無闔關且道此關作麼透卓拄杖一下云嘆便從這裏入聖堂繞說金關化身已自天機露洩重增外象莊嚴又是一場欺缺畢竟作麼吐要見黃金滿月相大家進步裏頭來參聖至慈至仁至靈至聖掌生死關行殺活令激濁揚清驅邪輔正惡不報善不應雖然顯現許大神通也向清庵手中乞命既如是又拜箇甚麼因我得禮孰敢不敬

冬至陞堂講經

陞座上香祝語畢師舉拄杖云道本無言予亦不會多說借這拄杖子有時在予手中為體有時在予手中為用橫按拄杖云是體是用良久又云用則撐天拄地這條拄杖神通莫測妙用難量方纔舉起十方無極飛天神王長生大神無缺數眾齊立下風太上老君也來拄杖頭乞命何以故一朝權在手便把令來行舉起拄杖云大眾看打一下云打一

棒打得虛空時跳攪一攪云攪一攪攪得混沌密融畫一畫云畫一畫畫開三教藩籬卓一下云卓一卓卓透諸人鼻孔雖然有許大神通盡大地不曾打得一箇何以故清庵拄杖不打鈍漢喝一喝云莫有要契棒底麼便請出來實庵出拜而問曰冬至下雪此意如何師曰這一問滴水滴凍不可作祥瑞會不可不作祥瑞會未具參學眼不作祥瑞會未具參學眼且道作麼生喚地雷震動一陽至素女青郎會絳宮歌龍酒闌雲雨散亂將碎玉撒虛空這箇莫是冬至月雪麼嘆莫作境會何以故守城不用尋冬至身中自有一陽生年中自有年中冬至月中自有月中冬至日中自有日中冬至時中自有時中冬至一陽節是年中冬至至每月初一日是月中冬至至每日子時是日中冬至且道如何是身中冬至實庵曰請師開示師曰月到天心處風來水面時一般清意味料得少人知會度實庵曰唯師曰猶恐有未會底再念得至虛極一章度曰念得師曰先念起頭四句曰致虛極